



АКАФИСТ

об упокоении
усопших

2100





АКАФИСТ ОБ УПОКОЕНИИ УСОПШИХ

«Артос-Медиа»

Москва
2007

По благословению
епископа Майкопского и Адыгейского
Пантелеимона

Издание
Православного братства
во имя Воздвижения
Честного и Животворящего
Креста Господня

© Издательство «Артос-Медиа», 2007

Отпечатано с диапозитивов издательства «Артос-Медиа»
в типографии АО «Молодая Гвардия». Формат 70х100/32. Объем 0,5 п.л.
Печать офсетная. Бумага газетная.

Заказ 64732 Тираж 20 000 экз. Подписано в печать 03.11.2006 г.

Адрес АО «Молодая Гвардия»: 127994, Москва, Сушевская, 21.

Адрес издательства «Артос-Медиа»:

105318, г. Москва, ул. Щербаковская, дом 53, корп. 5.

Качество печати соответствует качеству оригинала.

Кондак 1

Непостижимым Промыслом ко благу вечно-
му мир уготовляяй, человеком времена и образ
кончины определивый, остави, Господи, от века
умёршим вся согрешения их, приими ^{их} я во оби-
тели света и радования, объятия. Отча отверсти
им потщися и услыши ^{нас} ны, память их совершаю-
щия и поющия:

Господи, Любы́ Неизречённая, помяни
усопшия рабы Твоя.

Икос 1

Адама падшаго и весь род человеческий от
вечныя погибели спасаяй, послал еси, Блаже, в
мир Сына Твоего, крестом бо и воскресением
Его возсия́ и нам живот вечнующий. На без-
мерное Твое милосердие уповающе, чаем не-

тлѣннаго Царствія славы Твоея, усопшим даровати того просим и молим Ти ся.

Возвесели, Господи, души житейскими бури истомлѣнныя, да скорби и воздыханія земныя забвению предадѣт.

Услыши я, Господи, на лѣнѣ Твоем, яко же мать чада своя, и рекѣ им: прощаются вам греси ваша.

Приимѣ я, Господи, в блаженное и тихое пристанище Твое, да возрадуются о Божественней славе Твоей.

Господи, Любѣ Неизречѣнная, помяни усопшія рабы Твоя.

Кондак 2

Озарением Всевышняго просвѣщаем, преподобный Макарий глас от черепа языческа услыша: «Егда молитесь о страждущих во аде, отрада бывает язычником». О, дивныя силы молитв христіанских, ѣмиже преисподняя озаряется! Неверныя кѣпно и верныя утѣшеніе пріемлют, егда о всем мире вопіем: Аллилуиа.

Икос 2

Речѣ некогда Исаак Сирійнин: «Сердце милующее о людех и скотех и о твари всей молитвы слезныя ежечасно приносит, дабы сохрани-

лися и очистилися». Такожде и мы вси дерзновенно всем от века умершим у Господа помощи просяще, взываем.

Ниспосли нам, Господи, дар молитвы пламенеющей о умерших.

Помяни, Господи, вся заповедавшия нам, недостойным, молиться о них, и изжени забвенныя ими грехи.

Помяни, Господи, вся без молитвы погребенныя.

Приими, Господи, в селения Твоя, вся от скорби или радости смертью напрасной скончавшиися.

Господи, Любы Неизреченная, помяни усопшия рабы Твоя.

Кондак 3

Повинны есмь в бедствии мира, в страдании безсловесныя твари, в болезнях и муках младенцев непорочных, грехопадением бо людей блаженство и лепота вся твари разрушся. О, величайший от страдальцев невинных, Христе Боже наш! Ты един еси отпустить всем можеш. Отпусти же всем и вся, миру первозданное благоденствие подаждь, мертвии и живии да обрящут, взывая: Аллилуиа.

Икос 3

Свете тихий, Искупи́телю всея вселенныя, любовию мир весь объе́мляй: се слышится со креста вопль Твой о вразех Твоих: «Отче, отпусти им!» Именем всепрощения Твоего молитися Отцу Небесному о упокоении вечнем Твоих и наших враг дерзаем.

Прости, Господи, кровь неповинную пролившия, житейский путь наш скорбьми́ усѣявшия, благоденствие свое слезами ближних своих устрояющия.

Не осуди́, Господи, гонящия ны клеветою и злобою, милостию воздаждь, ихже обидехом или оскорби́хом по неведению, и да будет святая молитва наша о них таинством примирения.

Господи, Любы́ Неизрече́нная, помяни усопшия рабы Твоя!

Кондак 4

Спаси, Господи, в тяжких мучениях скончавшиися, уби́енныя, живыми погребѣ́нныя, землею засы́панныя, волнами и огнем поглоще́нныя, зверьми растѣ́рзанныя, от глада, мразы, бури или падения с высоты уме́ршия и радость Твою вечную подаждь им за скорбь

кончины. Да благословят страданий своих время, яко искупления день, воспевая: Аллилуиа.

Икос 4

Всем, иже поёмлеми суть могилой во светлой юности, иже на земли терновый венец страданий прияша, иже радости земныя не узрѣша, щедротами Твоея безконечныя любве воздаждь, Господи. Под тяжким бременем трудов умёршим воздаяние подаждь.

Приими, Господи, в чертѣзи раѣ ѡтроцы и дѣвы и сподѣби ^{ихъ} я ликовствованія на вѣчері Сына Твоего.

Утиши, Господи, скорбь родителей о чадах умерших.

Упокой, Господи, вся рода и семени не имущія, о нихже несть кому молитву вознести Тебе, Создателю, да исчезнут гресѣ их от блистания всепрощения Твоего.

Господи, Любы Неизречѣнная, помяни усопшія рабы Твоя.

Кондак 5

Яко последнее ко вразумленію и покаянію знамение смерть даровал еси, Господи. При грозном блистаніи ея суета земная обнажается, стра-

сти плотскія и страдания утихают, непокоривый разум смиряется. Правда вечная отверзается, отягченные же грехми и безбожницы на смертном одре бытіе Твое вечное исповедуют и к милосердію Твоему взывают: Аллилуиа.

Икос 5

Отче утешения всяческаго, солнцем озаряеши, плодами услаждавши, лѣпотою мира друзи и врази Твоя веселиши. Веруем бо, яко и за гробом милосердіе Твое, даже всеми отвѣрженныя грѣшницы милующее, не истощае́ется. Скорбим об ожесточѣнных и беззаконных хулителях Святыни Твоея.

Буди, Господи, над ними спасающая благая воля Твоя.

Остави, Господи, без покаяния скончавшимся, спаси в омраченіи ума сами себе погубившія, да угаснет пламень греховности их в море благодати Твоея.

Господи, Любы́и Неизречѣнная, помяни усопшія рабы Твоя.

Кондак 6

Страшен есть мрак души, от Бога удаленной, совести терзанія, скрежет зубный, огонь

неугасимый и червь неумирающий. Трепещу таковыя участи и, якоже о самѣм себѣ, молюся о во аде страждущих. Да снидет на ~~на~~ ^{них} росую прохладѣнія наша песнь: Аллилуиа.

Икос 6

Возсиял свет Твой, Христе Боже наш, на седящия во тьме и сѣни смертней и во аде сущия, Тебе взывати не могущия. В преисподняя земли снизшед, изведи, Господи, во отраду грехми с Тобою разлучѣнные, но не отрѣкшіяся от Тебе чада Твоя, страдают бо люте, помилуй я. ^{их}

Согрешиша бо на небо и пред Тобою, безмерно тяжки грехи их, милость же Твоя безмерна есть.

Посети горькую нищету душ от Тебе отдаленных, помилуй, Господи, истину по неведѣнію гнавшія, буди им любовь Твоя не огнем палящим, но райскою прохладою.

Господи, Любы Неизреченная, помяни усопшія рабы Твоя.

Кондак 7

Помощь подати десницею Своею тщашеся усопшим рабом Своим, явился им, Господи, в видѣніих таинственных ясновѣдно, на молитву их

вдохновляя, да поминая отшедшия, благая дела и подвижи за ны творят, взывая: Аллилуиа.

Икос 7

Церковь Христова Вселенская непрестанно ежечасно молитвы за почившия по всей земли возносит, грехи бо мира пречистою Кровию Божественнаго Агнца смываются, от смерти к животу и от земли к небесі души усопших силою молитв за ны пред олтари Божии.

Буди, Господи, ходатайство Церкви умершим лествицею к небеси.

Помилуй я, Господи, предстательством Пресвятыя Богородицы и всех святых.

Остави им согрешения, верных Твоих ради, день и ночь к Тебе вопиющих.

Незлобивых ради младенцев помилуй, Господи, родителей их, и матерей слезами искупи согрешения чад их.

За молитвы безвинных страдалец, за кровь мученик пощади и помилуй грешницы.

Приими, Господи, молитвы наша и милостыни, яко воспоминание добродетелей их.

Господи, Любы Неизреченная, помяни усопшия рабы Твоя.

Кондак 8

Мир весь общая могила священная есть, на всяком бо месте прах отец и братии наших. Единый неизменно возлюбивый ны, Христе Боже наш, прости вся, еже от начала и доныне умершия, да воспоют любовьию безмерною: Аллилуиа.

Икос 8

Грядёт бѣти день, яко пещь горящая, день великий и страшный Суда последняго, тайны человеческия открьются, книги совестныя разгнѹтся. «Примиритесь с Богом! — вопиет апостол Павел, — примиритесь прежде того страшнаго дне».

Помози нам, Господи, слезами живых недостающее умерших воспълнити.

Да будет им, Господи, звук трубы ангельской спасения благовестием, и в час суда Твоего радостнаго помилования их сподоби.

Увенчай, Господи, славою за Тя пострадавшия и покрый благагоу Твоею прегрешения немощных. Господи, вся по имени ведый, помяни во иночестем чине спасавшиися, помяни благословенныя пастыри со чада их.

Господи, Любы Неизреченная, помяни усопшия рабы Твоя.

Кондак 9

Благословите скоротекущее время. Каждый бо час, мгновение каждое к вечности приближает. Новая скорбь, седина новая суть вестницы мира грядущаго, свидѣтели тленности земныя, яко вся мимотечёт, возвещают, яко Царство вечное приближися, идеже несть ни слез, ни воздыхания, но отрадная пения: Аллилуиа.

Икос 9

Яко древо по времени листвий своих лишается, тако и днѣе наши по колѣких лѣтех оскудевают. Увядает и юности празднество, светильник радования угасает, близится старости отчуждение. Друзи и сродницы умирают. Где вы, юныя ликующия? Безмолвны гробы их, но души их в деснице Твоей. Мыслим взоры их из мира невественнаго.

Господи, Ты еси солнце пресветлое, озари и согрей усопших селения.

Да прейдет навеки горькаго разлучения время.

Сподоби ны радостнаго свидания на небесех. Сотвори, Господи, да вси едино будем с Тобою.

Возврати, Господи, отшедшим детства чистоту и юности благодущие и праздником Пасхи да будет им живот вечный.

Господи, Любы́ Неизрече́нная, помяни
усопшия рабы Твоя.

Кондак 10

Проливая тихия слезы на могилах сродни-
ков наших, молимся с надеждою и с упова́нием
взываем: скажи нам, Господи, яко оставил еси
грехи их! Дажь о сем откровение та́инственное
духу нашему, да воспеем: Аллилуиа.

Икос 10

Весь путь прешедшия жизни на́шей вижу
озира́ясь, колико множество людей, от первого
дне и доньне отшедшия, и мнози их благая ми
соде́явшия. Любвию своею до́лжная сим воз-
давая, вопию Ти.

Сподоби, Господи, славы небесная родители
моя и ближняя моя, над ложем моим младенче-
ским бо́дрствовавшия, возрасти́вшия и воспи-
та́вшия мя.

Прослави, Господи, пред. ангелы святыми,
всех благовествовавших ми слово спасения, до-
бру, правде, святым примером жизни своея
учившия мя.

Услади, Господи, тех, иже во дни скорби мо-
ея́ манною сокровенною послужиша ми.

Вся добродетели и благодетели вознагради и спаси.

Господи, Любы́ Неизрече́нная, помяни усопшия рабы Твоя.

Кондак 11

Где ты, смерти жа́ло, где же и мрак и страх твой прежде бывающий? Отныне ты, смерти жела́нная, неразлучно с Богом сочетаеши, покою великий суббо́тства та́инственного. Желание имам умрети и со Христом быти, взывает апостол. Темже и мы, взирая на смерть, яко на стезю́ к вечней жизни, воззовем: Аллилуиа.

Икос 11

Воскреснут мертвии и востанут сущии во гробѣх и возвеселятся живу́щии на земли, яко востанут тела́ духовныя, светло просла́вленные, неглѣ́нныя. Кости сухия, слышите слово Господне: «Се Аз введу в вас дух живота и дам на вас жилы и возведу на вас плоть и простру́ по вам кожу». Возстаньте из древле прошедшаго времени, искуплении кровию Сына Божия, оживлении смертию Его, возсія́ бо на ны свет воскресения.

Отверзи им, Господи, ныне всю бездну совершенств Твоих.

Ты сиял еси им светом солнца и луны, да ўзрят они и славу лучезарных ликѣвъ ангельскихъ.

Ты улаждаѣл еси я великолепіемъ востока и запада светилъ небесныхъ, да ўзрятъ же они и светъ невечерній Божества Твоего.

Господи, Любы́ Неизречѣнная, помяни усопшія рабы Твоя.

Кондак 12

Плоть и кровь Царствія Божія не наслѣдятъ, доколѣ во плоти живемъ, отлучѣннии отъ Христа. Аще же и умремъ, но оживемъ для вѣчности. Подобаетъ бо тленному телу нашему в неглѣніе облещись и мертвенному сему безсмертіемъ просіяти, дабы во светѣ невечерняго дне воспѣти: Аллилуиа.

Икос 12

Чаѣмъ срѣтѣнія со Господемъ, чаемъ ясною зарію воскресенія, чаемъ пробужденія изъ гробѣвъ сродниковъ нашихъ и знаемыхъ и оживленія в благоговѣйнейшей лѣпотѣ жизни умершихъ. И грядущее преображеніе всея твари торжествуемъ и Возсоздателю нашему вопіемъ:

Господи, къ торжеству радости и доброте миръ создавый, насъ къ святости изъ глубины греховныя

возста́вивый, даждь умершим царствовати по-
средё бытія новаго, да возсияют яко светила на
небеси в день славы их.

Да будет им Агнец Божественный светом не-
вечерним.

Даждь, Господи, и нам с ними Пасху нетле-
ния прázдновати.

Соедини умершія и живыя в нескончаемой
радости.

Господи, Любы́ Неизречённая, помяни
усопшія рабы Твоя.

Кондак 13

О, Преми́лосердный Отче Безнача́льный,
всем хотя́й спасти́ся, Сына к погибшим ниспо-
сла́вый и Духа Животворящаго изливая́й! По-
милуй, прости и спаси родныя и близкія нам
усопшія и всех от века скончавшихся и пред-
стательством их посети нас, да вместе с ними
вопиём Тебе, Спасителю Богу, победную песнь:
Аллилуиа.

Этот кондак читается трижды, затем икос 1-й «Ада-
ма падшаго и весь род человеческий...» и кондак 1-й «Не-
постижимым Промыслом ко благу вечному...».

МОЛИТВА О УСОПШИХ

Боже духов и всякия плоти, смерть поправый и диавола упразднивый, и живот миру Твоему даровавый! Сам, Господи, упокой души усопших раб Твоих: святейших патриархов, преосвященных митрополитов, архиепископов и епископов, во священническом, церковном и монашеском чине Тебе послуживших; создателей святого храма сего, православных праотцев, отцов, братий и сестер, zde и повсюду лежащих; вождей и воинов, за веру и отечество живот свой положивших, верных убиенных в междоусобной брани, утонувших, сторевших, на мразе замерзших, растерзанных зверьми, без покаяния внезапно скончавшихся и не успевших примириться с Церковью и со своими враги; в изступлении ума самоубиенных, тех, о коих заповедали и просили ны молиться, о коих несть кому молиться, и верных, погребения христианскаго лишенных (*имя рек*) в месте светле; в месте злачне, в месте покойне, отнюдуже отбеже болезнь, печаль и воздыхание. Всякое согрешение, содеянное ими словом или делом или помышлением, яко благий Человеколюбец Бог прости, яко несть человек, иже жив будет и не согрешит. Ты бо еси Един кроме греха, правда Твоя — правда вовеки, и слово Твое — истина.

Яко Ты еси Воскресение, и Живот и Покой усопших раб Твоих (*имя рек*), Христе Боже наш, и Тебе славу возсылаем со безначальным Твоим Отцем, и Пресвятым, и Благим, и Животворящим Твоим Духом, ныне и присно и во веки веков. Аминь.